

武進惲鐵樵遺著

藥盒醫學禁書

永嘉馬以愚題



第一輯 (全)

文苑集

論醫集

武進惲鐵樵遺著

藥盒醫學叢書

永泰馬公愚題



第一輯 (全) 文苑集 論醫集



南京中医药大学图书馆版权所有

中華民國三十七年一月出版

藥盒醫學叢書

第一輯 文苑集 論醫集 (全一冊)

定價十五元

著者 武進 懋鐵 樵

參校者 江陰 章巨膺

上海(九)牯嶺路人安里十四號

章巨膺 醫家

電話：九〇六七七號

上海合肥路餘興坊廿六號

民友印刷公司

電話：八二三六八號

商務印書館

上海河南中路二一一號

千頃堂書局

上海漢口路二九六號

中醫書局

上海山東中路廿六號

中華民國十五年八月二十五日領有
內務部著作權註冊執照
文字第壹萬零肆拾陸號

不許翻印

丁序

我國醫學歷年既久遂古不出神祇範疇及中古而漸趨實驗近代自科學昌盛以來歐美日本之學相繼侵入乃與國學時有爭競不洽之處中西新舊之說於以起矣嘗攷我國醫學學派之紛歧迨金元而更甚各家立論雖異要皆各有獨得之妙其所以各自成派者實亦環境使之然耳若劉河間以火立論所著原病式等書主重降心火而益腎水是以處方不離於寒涼而成一寒涼之派也張子和推衍河間其所著書主重攻下次則汗吐以其治病首在驅邪邪去則正自安畏攻最足以養病故成一攻下之派也蓋劉張兩氏皆生於北方北人飲食厚濁夏則吞冰冬則圍爐病邪屬實有非寒涼攻下者不能驅其病也李東垣獨異其旨以脾胃爲重謂土爲萬物之本著脾胃論發明補中益氣及升陽散火諸法而成一補土派也蓋李亦北人爲富家子其所交遊者率

皆養尊處優之輩嗜欲逸樂乃爲若輩恆情而行道時復值元兵南下之際人多流離失所飲食無常以致脾弱氣餒影響消化非補土必不足以奏效此李氏之所以偏重於補土者朱丹溪南人也生於承平之世目覩南人體弱人柔嗜好特多於是推衍劉李張三家之義創陽常有餘陰常不足之說主用滋陰降火之法而獲大效此朱氏偏重養陰不爲無故也四家各就環境立說不泥陳規其革故鼎新富於創作精神實堪欽敬今者得一人焉能辨別新舊得失體認中西異同屏除雜說生面別開貫通融會不落恆蹊武進惲先生鐵樵是也先生少攻法廬長醇國學寢饋於醫學者復數十餘年所成保赤新書脈學發微生理新語溫病明理傷寒論研究等書若干種皆爲環境之需要時代之作品不僅一時傳誦洛陽紙貴學者恆仰爲宗師焉其有裨於實用可知矣非具大智慧大手筆者曷克臻此頃章君巨膺整理乃師遺著顏曰藥盒醫學叢

書殺青有日問序於予因略叙數語樂爲介紹如此

中央國醫館理事
上海國醫分館副理事

丁仲英識

謝序

惲君鐵樵長余數歲與余同產孟河之濱少更艱苦努力學問初治旁行文字繼則詞章詩賦無不通曉民國初年與余同事商務印書館余輯史地之學君主小說月報彼此均在壯年詠諧雜沓精神蓬勃惟時吾國小說尙囿言情之作君獨擴其範圍凡不能列入專書記載者概歸納於其所編輯中務以高尚文辭相砥礪號於衆曰吾之小說實大說也非有此喏大文詞烏能得知識階級之所好館中肆其言從其策期年而聲譽鵲起銷數頓增成績大著而君之文名從此播矣

余編輯之暇輒懸國醫之幟爲治病之招君見而羨之遂亦懸壺于租界會樂里卽努力於傷寒學未久而洞澈了解常謂余曰仲聖之學貫澈始終仲聖以下無非旁門邪道當今之世非發揮仲聖之精理合今日新科學之說不可非

仲聖復起吾誰與歸遂本斯旨創設中醫函授學校於寓所布告全國遠近信從者萬計開國醫界未有之局面而醫業亦從此大盛顧余治學遠在早歲孜孜多載僅得尺寸而君發軔於中年遽能于牝牡驪黃之外別樹一幟爲革新家所宗名徧海內慨余先進深嘆勿如

君賦性機警目光銳敏逸趣橫生長於交際但卞急殊甚於是肝火易升耳痒日劇痒則努力爬搔久搔遂成聾病聾病既深卞急遂退而皮膚風病又作鬚眉盡落君檢千金方法爲治服藥數月果然鬚眉復生皓然盡白幾于變易面目迨後又治佛學修淨土宗自謂確有心得然耳聾而醫業盛眉白而醫名振治佛未久卽逝世時與衆不同觀聶君雲台所述似亦得佛性故綜論君之行狀殆今世奇人非天資聰穎者不能有此造詣也

君所著書二十餘種久已風行社會今者其高足章巨膺君將整理全書刊印

索序於余章君親炙有年確能得惲氏真傳者校刊行世爲後學津梁洵醫林盛業爰述往事附弁簡端作佛頭之糞惲君有知當亦抵掌稱快也

武進謝利恆序

章序

鼎革以還三十餘年國醫學頻於破產命運在風雨飄搖之中所以尙能維繫於不疲者基於治療有實驗藥物有特效然識者知故步自封抱殘守闕不能長此終古努力改進今國醫界知名之士咸非陰陽五行燥金濕土數十年前之舊誰爲革新之倡導孰爲改進之先河曰武進惲公鐵樵先師也

先是西國醫學東來勢力日張挾科學萬能欲以摧破舊說詆毀內經之論藏府經絡譏抨國人昧於生理解剖先師聞之嘆曰內經之論藏府以時序言之以氣化言之固非指實質而重解剖也不知生理解剖固不可爲醫不知四時寒暑陰陽勝復又豈足以言醫耶乃作羣經見智錄以易經之理闡明內經曰易之基礎在四時以四時演變生長化收藏以五行爲四時之代名詞釋五行相生剋之理以陰陽勝復之理定熱病四步驟與傷寒論互證說明表裏上下

微甚逆從之義顧曲高和寡其說不昌不足捍衛中醫學乃創辦中醫函授學校欲以廣其說奮筆著書二十餘種凡所論述不落古書窠臼皆前人所未言其所發明不襲西學成說而多合現代說理以健體之標準合病人之形能引證古說而信參徵西學而合施諸治療得心應手多奏奇效嘗治王某病傷寒氣急脈鞭投附子藥下而狂亂既而氣息奄奄家衆號慟撤幃帳以爲垂斃師曰投附發狂爲瞑眩氣急轉微弱乃心力抗病既竟而呈衰疲狀也其脈必緩軟行且生矣奈何以爲死戒毋擾亂令病者得入寐衆聞而愕眙須臾病者得美睡更二小時醒而神志清楚談話如常人病若失張錦宏女病熱既誤於甘涼至於肢冷多汗神志不清脈數微鞭斷爲病傳少陰之候予通脈四逆得治既而十日不更衣復有微熱以半硫丸下之得結糞精神爽慧病良已越二十日病忽劇變日上視大汗出兩手無脈問所以致此之由因服半硫丸得大便

後又便閉半月鑒於前此用藥之難不敢予藥以灌腸皮帶導之不圖遂有此變師晒之曰凡事成之至難而敗之至易治病較之尋常事件尤甚傷寒之變化至中陰溜府止前此便閉卽是溜府自爾日得大便後又半月不更衣其生機卽在此處何以故以陰病變陽也今以滌腸嚔其自復之脾陽吾疑公等之不欲其生也張固請挽救乃令購艾絨於關元灸之晝夜灸九十壯始汗斂脈起繼進大劑參附續灸百餘壯竟獲救治吳甄士女六歲病半月不啼不語不識人耳無所聞兩日夜不食不寐不能平臥踰而伏背向上足跪膝着席頭伏於枕其頭時作低昂如叩首狀低昂略無停止時而勻整頗似軀體置有彈簧者診其脈兩手均無視其舌色灰苔厚而不乾莫名病候不知其所以然第知動而不靜必屬陽證不食不便苔厚而神昏決爲可以攻下之症以大承氣湯投之愈餘杭章椿伯疾舌燥呃逆時醫執成方丁香柿蒂師曰舌燥爲津傷因

而致橫膈膜痙攣有別於胃寒之呃逆也香燥烏乎可主犀角地黃湯涼血增液以弛緩痙攣投之果平其運用內經傷寒論之理灼知陰陽勝復之機不膠柱於成方不執着於古法匠心獨運以爲治療者類如此事詳臨證筆記鱗爪集諸篇坐是醫名日顯衆醫所不能治者咸致推荐可治者每出奇制勝愈之不治者與之期日無或爽失餘杭宗人太炎先生聞之曰鐵樵之醫並南田之畫子居之文爲惲氏三絕矣其推重如此

先師著述既不事剿說抄胥故多所發明著長沙之論以闡傷寒精理闢葉吳之謬以張熱病正義抉傷寒溫病手經足經之辨破數百年來溫病之繳繞申營衛氣血反應作用之義戒熱病濫施養陰之弊害論脈以色澤呼吸規矩權衡爲則定基本觀念言之有物迥異叔和瀕湖之虛无漂渺開空前未有之論論治一以順生理自然之抗病一以助正氣抗病之本能矯正西法治療之反

自然與執着陳說時弊切戒市醫濫施薑附鼓斛痛下鍼砭前後十年書成都百萬言讀者咸能通曉其意遙從問業者二千餘人受其薰陶學術思想一變朽腐而爲新奇醫學風尙爲之丕變民國紀元以來三十餘年享名之盛無出其右顧國醫界崛起人傑初不爲當世所重尸居餘氣之醫閥方且挾三指以爲萬能堅守門戶刻意嫉妬而事中傷故所創中醫函授學校丙寅而後中止者數年國醫學衰歇而不能復振有以夫

乙亥七月先師病卒不佞奉遺命主事函授自慚樗櫟不能宏業迨抗戰軍興郵路四絕不得已停輟乃謀專刊印行特以時事多艱物價動盪未能全備已付梓者又絕版未能再印念先師學說關係中國醫學之命運其畢生精力豈容久湮計劃刊印夙夜匪懈何期謀定而動而物價飛騰漫無止境印刷工料尤高出尋常雖步步荆棘終當克竟全功願師道大光蒼生被澤追念知遇竭

藥盒醫學叢書 序

盡綿薄云爾

民國三十七年一月門人章巨膺敬序

武進惲鐵樵著

藥盒醫學叢書第一輯之一

文苑集

受業江陰章巨膺參校

惲鐵樵先生

